

22 DECEMBRIE

RUGACIUNEA 2

SF. IERARH

PETRU MOVILA AL KIEVULUI

Молитва

О пречестная и священная главо и благодати Святаго Духа исполненная, Спасово со Отцем обиталище, великий архиерее, теплый наш заступниче, святителю Петре! Предстоя у Престола всех Царя и наслаждаяся света Единосущныя Троицы и жерувимски со Ангелы возглашая песнь Трисвятую, великое же и неизследованное дерзновение имея ко Всемилостивому Владыце, моли спастися паствы Христовы людем, благосостояние святых Церквей утверди: архиереи благолепием святительства украси: монашествующыя к подвигом добраго течения укрепи: царствующий град и вся грады и страны добре сохрани, и веру святую непорочну соблюсти умоли: мир весь предстательством твоим умири, от глада и пагубы избави ны, и от нападения

**иноплеменных сохрани, старья утеши,
юныя настави, безумныя умудри, вдовицы
помилуй, сироты заступи, младенцы
возрасти, плененныя возврати,
немоществующыя исцели, и везде тепле
призывающыя тя и с верою притекающыя к
тебе и усердно припадающыя и молящыяся
тебе от всяких напастей и бед ходатайством
твоим свободи. Моли о нас Всещедраго и
Человеколюбиваго Христа Бога нашего, да и
в день Страшнаго Пришествия Его от
шуияго стояния избавит нас, и радости
святых причастники сотворит со всеми
святыми во веки веков. Аминь.**